



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-2037/20
Sarajevo, 01.04.2020. godine

Na osnovu člana 21. stav (3) tačka (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), čl. 17. stav (1) i 18. stav (1) Zakona o javnim nabavkama BiH („Službeni glasnik Bosne i Hercegovine“, broj 39/14), ministar unutrašnjih poslova Kantona Sarajevo, d o n o s i:

**POSEBNA ODLUKA O POKRETANJU PREGOVARAČKOG POSTUPKA
BEZ OBJAVE OBAVJEŠTENJA O NABAVCI
S JEDNIM PONUĐAČEM**

I

Određuje se pokretanje pregovaračkog postupka bez objave obavještenja o nabavci s jednim ponuđačem.

II

Zakonski osnov za provođenje postupka javne nabavke predstavlja član 21. tačka d) Zakona o javnim nabavkama BiH.

III

Predmet nabavke je nabavka pet ručnih termalnih kamera za mjerjenje tjelesne temperature.

IV

Procijenjena vrijednost nabavke iznosi do 16.500,00 KM bez PDV-a.

V

Novčana sredstva za plaćanje nabavke osiguravaju se iz Budžeta Kantona Sarajevo za 2020. godinu, Razdjel 17, Ministarstvo unutrašnjih poslova Kantona Sarajevo, glava 01, ekonomski kod 821300 HAX023.

VI

Za provođenje postupka nabavke iz člana I ove odluke zadužuje se Komisija za javne nabavke Ministarstva unutrašnjih poslova Kantona Sarajevo za 2020. godinu, imenovana Rješenjem broj 05-1-11-4-1158 od 28.02.2020. godine.

VII

Ova odluka stupa na snagu danom donošenja.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



OBRAZLOŽENJE

Obrazloženje uslova za primjenu predmetnog pregovaračkog postupka:

- Vrsta postupka: pregovarački postupak bez objave obavještenja o nabavci s jednim ponuđačem, shodno članu 21. tačka d) Zakona o javnim nabavkama BiH.
- Prema članu 21. tačka d) Zakona o javnim nabavkama BiH ugovor o javnoj nabavci može se zaključiti u pregovaračkom postupku bez objave obavještenja u slučaju kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

Nabavka se vrši iz razloga proglašenja pandemije od strane Svjetske zdravstvene organizacije, te proglašenjem stanja prirodne i dr. nesreće zbog opasnosti od širenja zarazne bolesti uzrokovanе koronavirusom (COVID – 19) u Federaciji BiH, te preporuka kriznih štabova u cilju sprečavanja širenja istog. U skladu sa odredbama Zakona o zaštiti stanovništva od zaraznih bolesti („Službene novine Federacije BiH“, broj 29/05), Ministarstvo unutrašnjih poslova Kantona Sarajevo je konstatovalo da je nabavku neophodno provesti. Detaljnog provjerom uslova za provođenje predmetne nabavke, konstatovano je da su ispunjeni svi zakonski uslovi: - Postojanje događaja koji se nije mogao predvidjeti, - Krajnja hitnost zbog koje je nemoguće ispuniti rokove predviđene za druge, redovne postupke javne nabavke, - Ne postoji slučajna veza između nepredvidivog događaja i krajnje hitnosti koja iz njega proizilazi. Ministarstvo unutrašnjih poslova Kantona Sarajevo je izvršilo provjeru svih relevantnih dokaza i činjenica, a imajući u vidu proglašeno stanje nesreće uzrokovan pojavom koronavirusa (COVID-19) na području Federacije BiH, Saopštenje Agencije za javne nabavke BiH, te se nabavka provodi putem pregovaračkog postupka bez objave obavještenja o nabavci.

Prateći aktuelnu epidemiološku situaciju u Kantonu Sarajevo i šire, Ministarstvo unutrašnjih poslova Kantona Sarajevo nastoji da preduzme sve potrebne mjere u cilju preventivnog djelovanja na sprečavanju širenja zaraze korona virusom, a jedna od mjera je zaštita svih uposlenika koji za vrijeme epidemije i dalje dolaze na posao.



DOSTAVITI:

1. Komisiji,
2. Sektoru komercijalnih poslova,
3. Kabinetu ministra - stručni savjetnik za odnose s javnošću,
4. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

